



Inatsisartunut ilaasortaq Jens-Frederik Nielsen, Demokratit

**Inatsit Tunngaviusussaq pillugu Isumalioqatigiissitaq pillugu § 37
naapertorlugu apeqquteqaammut nr. 2023-57-imut akissut**

19-05-2023
Sags nr. 2023 - 12184
Dok. nr. 22975856

Inatsisartut Suleriaasianni § 37 imm. 1 naapertorlugu Inatsit Tunngaviusussaq pillugu Isumalioqatigiissitaq pillugu Naalakkersuisunut apeqquteqaatit matuma kinguliani allassimasut saqqummiuppatit.

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Akissuteqannginnermi § 37, imm. 2, nr. 2 eqqumaffigeqqussavara, tassani allassimavoq, piffissaq nukissallu paasissutissanik akissuteqarnissamut atugassanik pissarsiniarnermut atortariaqassappata, Naalakkersuisut apeqquteqaammut akissuteqarnissamut pisussaaffeqanngitsut, tamannalu atortorissaaruteqarani misissuinissamut tunngatillugu pisussaavoq. Aningaasaqarnermut Sulisoqarnermullu Aqutsisoqarfimmiit, taamatuttaaq akissuteqarnissamut ilanngussaqaarsimasumit, ilanngussani matuma kingulianiittuni allassimavoq:

“Ataani allassimasut tassaapput Aningaasaqarnermut Sulisoqarnermullu Aqutsisoqarfimmit suliat akissutissamut piareersaanerminni annertuumik Namminersorlutik Oqartussat aningaasatigut ingerlatsivianit tigussillutik misissueqqissaarneranneersut.

Aallaqqaasiullugu oqaatigineqassaaq aningaasatigut ingerlatsivimmit atorneqartut immikkut Inatsisit tunngaviusussat pillugit isumalioqatigiissitamut ilaasortanut tunngasut tiguneqarsinnaasimanngimmata. Tamatumunnga pissutaavoq kontomi tassani kikkut ilaasortaansut kikkullu allattoqarfimmi sulisuunersut immikkoortinneqarsinnaasimanngimmata. Ilaasortaasut pillugit aningaasartuutit immikkut misissorneqassagalarpata, tamanna kontoni assigiinngitsuni ataasiakkaani tamani nuussisarnerit misissorlugit aatsaat pisinnaavoq. Tamanna tunuliaqutaralugu, ataani tabelit allassimasut tamarmik Inatsisit tunngaviusussat pillugit isumalioqatigiissitamut ilaasortat allattoqarfimmilu sulisut pillugit aningaasartuutit tunngasuupput.

Taassuma saniatigut ataani paasissutissat pillugit nangaassutaasoq ilanngunneqassaaq, tassa naatsorsuutit nalunaarsuineri immikkoortortaqarfimmiit immikkoortortaqarfimmut periusiusimasut nikerarsimammata. Tamanna isumaqarpoq kisitsisit ataani allassimasut immikkoortortaqarfiiit allat atuisimanerannut sanillersuunneqarsinnaanngimmata. Ukioq 2019 aallarnerfigalugu Namminersorlutik Oqartussat aningaasaqarnikkut aqutsinermi periuseq nutaaq atulersimavaat- Periutsimi nutaami tassani paasissutissanik tiguisoqarsinnaasarpoq, s.i. aningaasaqarnermut inatsimmi kontot

pingaernerit kontollu immikkoortut assigiinngitsut aallaavigalugit. Akissusiami ataani allanneqarsimasumi taamaallaat ukiut 2019-2022 ilanngunneqarsimapput, tassungalu pissutaavoq aningaasatigut aqutseriaasitoqqamit tigussat ataasiakkaarlugit aatsaat aaneqarsinnaasarmata. Tassungattaq ilisimatitsissutigineqassaaq kontonut kukkusunut ikkussisoqarsimasinnaanera. Taamatut ataasiakkaarlugit aalleqattaarnissaq annertuumik piffissartornaqalunilu atortussanik atuinassaqaq, tamannalu tunuliaqutaralugu akissusiornermi matumani tunaartarinqarsimanani.”

1. Inatsisit tunngaviusussat pillugit isumalioqatigiissitat ilaasortaasa ullormusiassaannut 2017-ip aallartinneraniit 2022-p naanissaata tungaanut aningaasat atorneqarsimasut qanoq annertutigaat?

Akissut:

Ataatungaani akissut pissarsiarineqarsimavoq, tabel-it Aningaasaqarnermut Sulisoqarnermullu Aqutsisoqarfimmeersut ilanngullugit:

“Ullormusiaqartarneq pillugu Namminersorlutik Oqartussat aningaasaqarnikkut aaqqissuussisoqarfianit tigussisoqarsinnaasimangilaq. Tamatumunnga pissutaavoq ullormusiat aningaasarsiatut nalunaarsorneqartarmata, taamatullu nalunaarsorneqartarlutik isumalioqatigiissitap nalinginnarmik aningaasarsiaqartarnerisulli.”

Tabel 1: *Inatsisit tunngaviusussat pillugit isumalioqatigiissitami ilaasortat allattoqarfianilu sulisut aningaasarsiaat, akissaataat, ullormusiaat il.il.pillugit aningaasartuutit*

Aningaasartuutit	Ukioq			
	2022	2021	2020	2019
Aningaasarsiat assigiinngitsut, ullormusiat akissaatit il.il..	Kr. 5.281.555	Kr. 5.380.775	Kr. 4.484.389	Kr. 3.399.229

2. Inatsisit tunngaviusut pillugit isumalioqatigiissitami ilaasortanut ullormusiaat ukioq 2017 aallartinneranit ukioq 2022-p naanissaata tungaanut aningaasanngorlugit qanoq annertutigisut atorneqarsimappat?

Akissut:

Ataatungaani akissut pissarsiarineqarsimavoq, tabel-it Aningaasaqarnermut Sulisoqarnermullu Aqutsisoqarfimmeersut ilanngullugit:

“Ullormusiaqartarneq pillugu maanna Namminersorlutik Oqartussat aningaasatigut aaqqissugaanera naapertorlugu immikkut paasissutissanik tigoqqaasoqarsinnaangilaq. Tamatumunnga pissutaavoq ullormusiat aningaasarsiatut naatsorsuunneqartarmata, taamatullu isumalioqatigiissitap aningaasarsianut aningaasartuutaasa ataanut ikkunneqartarlutik. Tamatuma saniatigut akissutisiap tabel 1-ita takuuk.”

3. Inatsisit tunngaviusut pillugit isumalioqatigiissitami ilaasortat angalasarnerinut aningaasat qanoq annertutigisut atorineqarsimappat ukioq 2017 aallartinneranit ukioq 2022-p naanissaata tungaanut

Akissut:

Ataatungaani akissut pissarsiarineqarsimavoq, tabel-it Aningaasaqarnermut Sulisoqarnermullu Aqutsisoqarfimmeersut ilanngullugit:

“§ 37 naapertorlugu apeqqummut akissutissamut tabel 2-mi taamaallaat sulinermut atatillugu angalasimaneranut aningaasartuutit kisimik nalunaarsorsimapput. Tassani atorfininnermut suliinnaarnermullu atatillugu angalasarnerit ilanngunneqarsimangillat.”

Tabel 2: *Inatsisit tunngaviusut pillugit isumalioqatigiissitamut ilaasortat allattoqarfimmilu sulisut atorfimmut atatillugu angalasarnernut aningaasartuutit kr.-nngorlugit*

Aningaasartuutit	Ukioq			
	2022	2021	2020	2019
Atorfimmut atatillugu angalasarnernut	Kr. 10.437	Kr. 26.243	Kr. 1.021	10.420

4. Inatsisit tunngaviusut pillugit isumalioqatigiissitami ilaasortat angalanerminnut tunngatillugu najugaqarnerminni aningaasat qanoq annertutigisut atorarsimavaat ukioq 2017 aallartinneranit ukioq 2022-p naanissaata tungaanut?

Akissut:

Ataatungaani akissut pissarsiarineqarsimavoq, tabel-it Aningaasaqarnermut Sulisoqarnermullu Aqutsisoqarfimmeersut ilanngullugit:


“§ 37 naapertorlugu apeqqummut akissutissamut matumunnga tabel 3-mi taamaallaat sulinermut atatillugu angalasarnermi najugaqarnermut aningaasartuutit nalunaarsorsimapput. Taamaallilluni vakantimi najugaqarnermut, sulisunut inissiat sulinernullu atatillugu angalanermi allatut najugaqarnerit aningaasartuutaasussaagaluit ilanngunneqarsimangillat.”

Tabel 3: *Inatsisit tunngaviusut pillugit isumalioqatigiissitami ilaasortat allattoqarfimmilu sulisut sulinerminnut atatillugu angalasarneranni najugaqarnermut aningaasartuutit*

Aningaasartuutit	Ukioq			
	2022	2021	2020	2019
Sulinermut atatillugu angalasarnerit	Kr. 4.410	Kr. 43.847	Kr. 0	Kr. 0

Inussiarnersumik inuulluaqqusillunga

Med venlig hilsen



Múte Bourup Egede